

Jon-ate kaapiya tu yaal

¹“O sate omaaho Gaias, sa yêêv sa kaavu kaapiyaa-jo laas vu hong sen sahengg having hong keen-ato.

²O hali, sa naalohak nambe omando nivasas lôôt de nilakin-ame naatovu hong e, yik nambe sen galompayo neep nivasaa-ja. ³^bIn Omaaho Bop-ate hil vaalu lalaam-ambe lanêêl langaah nambêênja nambe vakasin keen pup hôôk galompayo be goo navu taamuyin lôôt. Lanêêl nambêênjo tombe sahengg anivasas lôôt. ⁴Sa nango nambe sate unoopasiv-aso davu taamuyin vakasin keen atombe sa naapêêlis lôôt savok va pin sen nawiing-ambe sa naapêêlis in-ato.

Gaias wiing kul anivasas

⁵O hali, onawiing nivasas om onahôôvu Omaaho Bop-ate hil, de sil vaalu ond game gahe sil bôôy e, hil baya, lemu onahôôvu sil pin. ⁶“Tombe sil lalaam-anjo be lanêêl langaah hôôk hil bel-ate mend nambe gahem having sil. Om hong-o, gakam bu Anutu-te kul sen dawiiing-ato be gandôôvu sil in mopaatôôv ond mem nivasas. ⁷^dIn sil lako Yesu haale be lalohvu taaku pin-ato, ond me-lako va sen dôôvu sil-ato vu hil sen me-lawii-having Yesuu-to le. ⁸Om kul neep vu yiy in nambe yaandôôvu hil sen dako Yesu haale nambêênju in nambe yiy ahondoos aambiing kul vakasin keen-ate.

Daiotlepis ayuuh Demitlias-ate vakasin

⁹Sa kaavu vakasin ti laas vu hil bel-atêênja lung la, lemu Daiotlepis sen yoo natee yi lak in nambe naatu hil bel-ate lukook-ato ond me-nango hey lavang e. ¹⁰Om sa naas atombe sale naanêêl va sen nawiing-ato langaah, in nanêêl vakasin anipaya lak hey malis amu. Tonde me-ka navu nambe biing vaa-jo mu le, nganjo nimbaya be me-nako Omaaho Bop-ate hil lak e, tonde nanêêlin hil sen lawiingin nambe gako Omaaho Bop-ate hil jak-ato be natiy sil dala nanyendanga.

^a 1:1 2; Jon 1 ^b 1:3 2; Jon 4 ^c 1:6 Tit 3:13 ^d 1:7 1Ko 9:12,15

¹¹°O hali, game taamuyin va nipaya le, nganjo otaamuyin va nivasa. Hil sen dawiiing va nivasaa-to ond latu Anutu noondin, de hil sen dawiiing va nipayaa-to ond sil doosin Anutu.

¹²ʃDemitlias ond hil pin oo dako yi lak, tonde yoo nawiiing va lohvu Anutu-te vakasin keen-ato ond taato nambe omaaho nivasa, tombe yik hey naanêêl having atombe ham alak ni nambe heyate vakasin ond vakasin keen.

Jon samu vakasin ahus

¹³§Vakasin ngeeyaata neep in nambe sa kaavu naas vu hong, le ma de sa nimbaya nambe same kaavu hôôk kaapiya le, ¹⁴om sa kangg monavu nambe sale anaas aangge hong pavis e mem hoow oo bakaas.

¹⁵Omando osin galimpayo melaas. Wate va-so vu nganjo kand navu hong, tonde yik onaanêêl vu yate hil vuu-ja ti ti pin naambe hey akangg navu sil. Yik vakasin lung laa-ja.

° 1:11 1; Jon 3:6-10 ʃ 1:12 Jon 19:35 § 1:13 2; Jon 12